



Terenga 5: Hōtaka 31 – Te pū 'rānei'

He Mihi

Tomo mai rā, kei ngā pākanga kiritahi, kei ngā matamatahuānga o te motu, ki roto i te rāmemenetanga o Manawa Piharau, o Manawa Tītī, e whai nei, ao te pō, pō te ao, kia ora tēnei reo i mahue mai nei ki a tātou.

Hei Mahi Whakarongo

Ko Tīmoti Kāretu te kahikatea i uiuitia mō tana toronga ki tāwāhi i ngā tau o te ono tekau o tērā rautau.

Anei ngā pātai hei whakautu mā koutou:

- 1) Nōnahea a Tīmoti i tau ai ki Ingarangi?
- 2) He aha i taupatupatu ai ngā whakaaro?
- 3) I kite anō a Tīmoti i tana māmā i muri i tana wehenga?

Kia whakarongo ake tātou ki tēnei tīpakonga o te hōtaka o 'E Tū Kahikatea'.

He Whakamārama

He pūmuri te kupu '**rānei**' nō reira ka noho tēnei pū ki MURI i tētehi kupu matua. Koinei te rerekētanga matua o tēnei whakamahinga i te whakamahinga o te kupu 'or' ki te reo Pākehā. E tohu ana tēnei pū, he kōwhiringa kei te kōrerohia. Ka noho te pū '**rānei**' ki muri i te kōwhiringa whakamutunga o tētehi rārangi kōwhiringa i te nuinga o te wā. Anei ētehi taurira:

- a) Me haere ki Rotorua, ki Rarotonga **rānei**?
- e) Ko koe te whaea, te kuia **rānei** o Mere?
- i) Kua tae kē koe ki Te Waipounamu, ki Rakiura **rānei**?

Heoi, he wā tōna ka kitea te pū '**rānei**' ki muri i ia kōwhiringa. Tirohia te taurira e whai ake nei:

- o) Āe **rānei**, kāore **rānei**, he hua kei roto i te ako i te wetereo?
- u) Māu **rānei**, māku **rānei** te waiata e takī?

He Mahi ĩ-papa

Whakamāoritia te kōrero kei runga i te ĩpapa:

Is he the older brother or the younger one?

Hei Mahi

Whakamāoritia ngā rerenga kōrero e whai ake nei:

1. Did I do that, or did you?
2. Shall I wear this dress, or this one?
3. Did you go to Hato Pētera or Hato Paora?
4. Are you leaving tomorrow or the day after?

Whakautu:

Mahi ĩpapa: Ko ia te tuakana, te teina rānei?

1. Nāku tērā i mahi, nāu rānei?
2. Me mau au i tēnei kaka, i tēnei rānei?
3. I kuraina koe i Hato Pētera rānei, i Hato Paora rānei?
4. E wehe ana koe āpōpō, ātahirā rānei?